

Рұхий тажрибалар



ISLAM
URGE

РУХИЙ ТАЖРИБАЛАР

14:17 / 13 март 1898

Хатиб Бағдодийнинг «Тариху Бағдод» китобида келади:
«Иброҳим ибн Рустамнинг таржимаи ҳолида қўйидагилар ёзилган:
«Иброҳим ибн Рустам аслида Кирмон аҳлиданdir. Сўнгра Марвдаги тери ошловчилар маҳалласига қўчиб борди. Иброҳим ўша ерда ўзининг фақих шогирдлари билан ўтирганида унинг ҳузурига халифанинг вазири келиб қолди. Иброҳим ўрнидан турмади. **Шунда Ишкоб:**

- Таажжуб! Халифанинг вазири келади-ю, сен мана бу тери ошловчилари туфайли ўрнингдан турмайсан! - деди.

Шунда Иброҳимнинг шогирдларидан бири:

- Биз диннинг ошловчиларимиз. Биз Иброҳим ибн Рустамни шу даражага олиб чиқдик. Ҳатто унинг ҳузурига халифанинг вазири ҳам келадиган бўлди! – деб жавоб қайтарди».

Чўққига етиб борсанг сени қўлингдан тутганларни унутма. Сенга бир ҳарф ёки бир калима ўргатган кишидан, сенга холис насиҳат қилганлардан, сенга яхшилик қилганлардан, сенинг хатоларингни кечирганлар олдида ўзингни доим қарздор ҳисобла.

Сенга қўлингдан тутиб ёзишни ўргатган устозингни, муnis онангни унутма.

Сенга қалам ва дафтар олиб бериш учун ўзини қийнаб ишлаган отангни

унутма.

Умр сафарида сенга ҳамроҳ бўлган ака-укаларингни, опа-сингилларингни унутма.

Қийналганингда ёнингда таянч бўлган умр йўлдошингни унутма.

Деъбул Хузоъийнинг гапини унутма:

«Яхшиликнинг энг яхиси сенга хафалик пайтингда суюнч бўлганларга хурсандлик пайтингда таянч бўлишингдир. Олийжаноб инсонлар оддий кулбаларда яшаган пайтларидағи улфатларини унудишмайди!»

Абдулқодир Полвонов
«Ҳилол» журналининг 9(54) сонидан